

BOSNA I HERCEGOVINA
FEDERACIJA BOSNE I HERCEGOVINE
GRAD LUKAVAC
GRADONAČELNIK
SLUŽBA CIVILNE ZAŠTITE I ZAJEDNIČKIH POSLOVA
Broj: 08-04-2886/25
Lukavac, 24.11.2025. godine

Na osnovu člana 100. stav (4) Zakona o javnim nabavkama, a u vezi sa članom 108. stav 7. („Službeni glasnik BiH“, broj 39/14, 59/22 i 50/24) i člana 200. Zakona o upravnom postupku FBiH („Službene novine FBiH“, broj 2/98, 48/99 i 61/22) postupajući po žalbi ponuđača „AQUA BALKAN“ d.o.o Konjic na Odluku o izboru najpovoljnijeg ponuđača broj: 08-04-2886/25 od 10.11.2025. godine, u konkurentnom postupku javne nabavke suhog odijela za potrebe Gorske službe spašavanja, Pomoćnik gradonačelnika za Službu civilne zaštite i zajedničkih poslova d o n o s i

ODLUKU

Član 1.

Usvaja se žalba ponuđača „AQUA BALKAN“ d.o.o Konjic od 18.11.2025.godine na Odluku o izboru najpovoljnijeg ponuđača broj: 08-04-2886/25 od 10.11.2025.godine u konkurentnom postupku javne nabavke suhog odijela za potrebe Gorske službe spašavanja.

Član 2.

Ovom Odlukom stavlja se u cjelosti van snage Odluka o izboru najpovoljnijeg ponuđača broj: 08-04-2886/25 od 10.11.2025.godine.

Član 3.

Najpovoljniji ponuđač u postupku javne nabavke suhog odijela za potrebe Gorske službe spašavanja, u skladu sa ponovljenom analizom dostavljenih ponuda i Preporukom Komisije za javne nabavke broj: 08-04-2886/25 od 20.11.2025.godine je „AQUA BALKAN“ d.o.o Konjic sa ukupnom vrijednosti ponude 12.400,00 KM i rokom plaćanja 60 (šezdeset) dana.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 08-04-2665/25 od 12.09.2025. godine. Javna nabavka sprovedena je konkurentnim postupkom nabavke. Procjenjena vrijednost javne nabavke bez PDV-a je 12.500,00 KM.

Obavještenje o nabavci broj: 719-7-1-106-3-156/25 objavljeno je na Portalu javnih nabavki dana 01.10.2025. godine.

Komisija za provođenje postupka nabavke imenovana Rješenjem broj: 02-04-2892/25 od 02.10.2025. godine dostavila je Zapisnik o pregledu i ocjeni ponuda broj: 08-04-2892/25 od 05.11.2025. godine, Preporuku o izboru najpovoljnijeg ponuđača broj: 08-04-2892/25 od 05.11.2025. godine i Izvještaj o radu broj: 08-04-2892/25 od 05.11.2025. godine.

U postupku po Izvještaju o radu utvrđeno je da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće: da su u predmetnom postupku blagovremeno primljene tri ponude, da nije bilo neblagovremeno primljenih ponuda, da su ponude ponuđača „FIRE TRADE“ d.o.o Sreberenik i „AQUA BALKAN“ d.o.o Konjic, kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način, na osnovu čega je donešena Odluka o izboru najpovoljnijeg ponuđača broj: 08-04-2886/25 od 10.11.2025.godine.

Naprijed navedena Odluka sa Zapisnikom o pregledu i ocjeni ponuda broj: 08-04-2886/25 od 10.11.2025. godine dostavljena je učesnicima u postupku nabavke.

Nakon što je zaprimio Odluku i zapisnike, ponuđač „AQUA BALKAN“ d.o.o Konjic je dana 11.11.2025.godine, putem e-maila zatražio uvid u ponude ponuđača koji su učestvovali u predmetnom postupku javne nabavke, što mu je i omogućeno, te je izvršio uvid u ponude izabranog ponuđača dana 12.11.2025.godine.

Grad Lukavac - Služba civilne zaštite i zajedničkih poslova dana 02.07.2021.godine, zaprimila je žalbu izjavljenu od strane ponuđača „Euro Dam-Jas“ d.o.o Lukavac na Odluku o izboru najpovoljnijeg ponuđača broj: 08-04-2886/25 od 10.11.2025.godine.

Prije nego što se upustio u meritorno odlučivanje ovaj organ pristupio je provjeri formalnih pretpostavki za ulaganje žalbe, odnosno da li je žalba blagovremena, dopuštena i izjavljena od ovlaštenog lica, te da li je uplaćena taksa za pokretanje žalbenog postupka u skladu sa članom 108. stav 1. tačka a) Zakona o javnim nabavkama BiH. Nakon što je utvrđeno da je žalba blagovremena, dopuštena, izjavljena od ovlaštenog lica, te da je ista potpuna, Ugovorni organ se upustio u meritorno odlučivanje po žalbi.

Žalba je osnovana.

U svojoj žalbi, Žalitelj navodi da su u skladu sa tenderskom dokumentacijom, ponuđači u svojoj ponudi trebali dostaviti tehnički list ili katalošku dokumentaciju i deklaraciju proizvođača u originalu ili ovjerenoj kopiji na jednom od službenih jezika u BiH ili prijevod izvršeno od strane sudskog tumača. Nadalje navodi da je izabrani ponuđača „Fire trade“ d.o.o Sreberenik u svojoj ponudi dostavio ovjerene kopije tehničkog lista i dokumenta koji sadrže opise proizvoda za ponuđeno predmetno odijelo, proizvođača HIKO SPORTS, ali isti nisu prevedeni od strane sudskog tumača. Nadalje navodi da su dostavljeni dokumenti na hrvatskom jeziku, iako se radi o stranom proizvođaču opreme koji ne posjeduje kataloge niti tehničke listove na nekom od službenih jezika u BiH, što žalitelj i odgovorno tvrdi obzirom da je zastupnik naprijed navedenog proizvođača. Kako dalje navodi, ponuđač „Fire trade“ d.o.o Sreberenik je u svojoj ponudi trebao dostaviti identične tehničke listove kao kod žalitelja, obzirom da je ponudio istu opremu, što nije učinio, već je dostavio obični tehnički list bez potpisa i pečeta proizvođača. On u svojoj žalbi zahtijeva da se poništi osporavana odluka, te da se ugovor dodijeli ponuđaču „Aqua Balkan“ d.o.o Konjic.

Nakon što je zaprimila predmetnu žalbu, Komisija je ponovno izvršila uvid u ponudu izabranog ponuđača, nakon čega je stupila u kontakt sa izabranim ponuđačem, a radi utvrđivanja ispravnosti dostavljenih dokumenata u ponudi. Tako je Komisija u skladu sa članom 68. stav 3. Zakona o javnim nabavkama tražila od izabranog ponuđača da dostavi na uvid originale tehničkog lista i deklaracije

koju su dostavili u ponudi, a s ciljem otklanjanja formalnog nedostatka dokumenta. Izvršenom provjerom utvrđeno je da dostavljeni dokumenti nisu originali, niti vjerodostojne originalne isprave u smislu zahtjeva iz tenderske dokumentacije i relevantnih zakonskih propisa. Kako ponuđač nije dokazao ispunjavanje formalnih i suštinskih uslova propisanih tenderskom dokumentacijom, njegova ponuda je ocijenjena neprihvatljivom.

Uzimajući u obzir naprijed navedeno Komisija je utvrdila da je žalba osnovana, da ponuda izabranog ponuđača „Fire trade“ d.o.o Srebrenik nije prihvatljiva, nakon čega je donijela Preporuku broj: 08-04-2886/25 od 20.11.2025.godine da se ista usvoji, te da se ugovor za nabavku suhog odijela za potrebe Gorske službe spašavanja dodijeli ponuđaču „Aqua Balkan“ d.o.o Konjic.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:


Protiv ove Odluke može se izjaviti žalba, najkasnije u roku od 5 (pet) dana od dana prijema Odluke.

Žalitelj je obavezan dostaviti original dokaz o plaćenju naknade za pokretanje žalbenog postupka, ovjeren od strane banke, sa pozivom na broj protokola Odluke na koju se izjavljuje žalba.

Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac – Služba civilne zaštite i zajedničkih poslova, Trg Slobode broj 1, 75300 Lukavac, a izjavljuje se Uredu za razmatranje žalbi, Filijala Mostar. Žalba se podnosi u najmanje 3 (tri) primjerka.

Dostaviti:

1. AQUA BALKAN d.o.o Konjic
2. FIRE TRADE doo Srebrenik
3. TEVE VARNOST ELEKTRONIKA d.o.o Visoko
4. Arhivi.-



PO OVLAŠTENJU GRADONAČELNIKA
POMOĆNIK GRADONAČELNIKA

(ovlaštenje broj: 02-04-627-2/23 od 22.04.2025.godine)

Edin Hamzić, dipl.ing